

山林經濟五

8038
3843
v.5

BERKELEY
LIBRARY
UNIVERSITY OF
CALIFORNIA

Carpentier

增補山林經濟卷之八目錄

治膳上

果實收藏法十一條

菜品收藏法二條

飯粥諸品三十一條

餅麵諸品二十條

茶湯諸品二十條

煎油蜜果煎蜜果菜餚糖法二條

菜蔬諸品四十四條

醬諸品四十四條

造醋法十五條

肉膳治法八條

牛肉膳二十九條

猪肉膳九條

犬肉膳四條

羊肉膳

鹿肉膳

獐肉膳

熊肉膳

兔肉膳

鷄肉膳

八條

雉肉膳

五條

鴝鴨膳

鷓鴣膳

麻雀膳

鴈肉膳

醃鴨作法

增補山林經濟卷之八

治膳上

山野之人咬菜飯糲固是分內事至於美味佳膳非所敢望而但塲圃所種時柵所畜及江溪所漁之物烹飪失方則將何以養老而供賓乎茲錄收治之方以備日用然慘毒取味則大損陰德宜加嚴戒

果實收藏法○凡生果糴地為深坑藏之以木板蓋之可留不乾諸班果子以乾沙或以芝麻拌和新篾收之密封其口凡果鑿生大竹作穴納其中而塞之色味經歲不變臘雪水淹藏一切果實良酒糟藏物不敗可淹茄果○青茄收藏凡遇時果出用

銅青細研末與果同臘雪水收貯顏色不變如鮮凡青梅桃李

林檎小棗葡萄蓮蓬菱角甜荻梨子柑橘等果皆可收藏以備

不時之用○海松子

今稱栢子

收藏以防風同裹則不油防風亦不

壞松子以疎布巾盛掛當風處不膩或以燈心煎碎收之則不

枯收仁之類蒸壞不可食者攤置竹紙上焙之如新○胡桃水

藏以鹿布巾盛掛當風處不膩○栗子收藏霜後收自零栗子

投盛盆水中去其浮者漉出浸者拭乾晒少時以無水氣為度

先將沙炒乾待令用新沙器收貯沙十層栗一層約九分滿可

太用若葉一重覆蓋以竹篾按定掃淨地將器倒覆以黃土封

之逐旋取用不令近酒氣至來春不壞取栗子一擔鹽二斤化

水浸一二宿漉出晒乾以芝麻二石拌勻於荊國內收之永遠
不壞食之甘美藏乾栗法浸鹽水晒乾如上法竹藍或簾布帛
盛掛背日只通風處日搖動一二次至春不損夏不蛀陳栗水
浸一宿許焙乾其皮皆貼殼食之如新凡生栗水浸四五日
出乾收藏則虫不生○
紅棗收藏將大缸刷淨拭乾以熟米醋澆缸內盪令淨控乾又
以熟香油勻擦缸口缸底鋪栗秤單一重棗一重中心四圍亦
令單間蓋不可重壓久留不生蛀○梨子收藏初霜後即收梨
性最怕凍宜頓暖處最忌酒慎勿與共宴餘者收之若久有酒
處亦不宜藏且破損者不可藏梨子連小枝折下取不空心大
羅當押梨枝其中以紙裹置暖處至春不壞梨子別取麁者一

退水灰四五次者晒極乾甕埋

庫中灰一層布紅柿一層

至甕尾口乃止以厚油堅封

甕尾口又蓋甕方席空石

今勿凍可以過夏已驗

願以數願柿其上頓暖處不壞梨以新罐盛頓陰僻處不乾向

陽燥地作窖室多積梨葉以櫟葉裹梨子收貯窖中則久不乾

就樹上以囊包裹外以油紙重裹過冬乃摘亦妙○紅柿收藏

每箇以櫟葉厚裹盛於杵器柳筭等器結架樹間頓置其上仍

以苦厚蓋不使雨雪透入則久留不損紅柿未熟者以冷鹽湯

浸之可過歲顏色不變臨食浸水退鹽味紅柿納盆水中待凍堅破去

盆仍納水庫中則可以經夏○桃子收藏以麥麴煮粥入鹽候

冷傾入新甕中取色紅未太熟桃子投甕中密封甕口冬月食

之如新○林檎收藏每一百箇內取二十箇槌碎入水同煎候

冷入淨甕中將八十箇浸投之密封甕口久留愈佳必取色紅未太熟者

以臘雪水盛缸用銅青末同入收貯顏色不變○石榴收藏棟
大者連枝摘下用新瓦尾安排在內用紙十餘重密封可留不
壞石榴以新罐盛頓陰僻處不乾不可凍損○葡萄收藏以蠟裹頓
罐中落蠟封之至冬不壞酒浸葡萄盛以新瓦密封懸掛當火
處不壞用蠟水銅青法亦好○柑橘收藏取帶梗者押於羅筐
裏紙置暖處至春不壞柑以燥松毛逐層鋪之頓無酒處不爛
金橘頓銀錫器內或雜以油麻藏之經久不壞金橘著於菜豆
中藏之可經時不變橘性熱而豆性冷故能久也橘橙之屬藏
菜豆中極妙不宜頓近米邊

菜豆收藏法○茄子收藏六月收茄子切勿傷破皮蒂用淋退灰

正北月晒乾與茄子層層隔下於淨瓮中埋地中冬月取食如
新○黃菰收藏刈麥後種晚菰七八月間收之如藏茄子法白
米漚中熬之作米下鹽使鹹淡適口調寒熱拭完菰以投瓮中
密封之黃菰欲作乾取青者刀切如錢拌灰晒乾則青色不變
○甜菰收藏以缸盛臘雪水用銅青末同入收貯顏色不變○
西菰收藏同上○蘿蔓蔓青根收藏霜後採根揀完大者以刀切
尾只留半寸許又以刀暫削生芽之頭燒鐵烙其頭尾藏土窖
中則至春芽猶不生根無中空食之如新○冬菰南菰收藏經
霜後摘置屋下天寒收入煖室中則可留至春若凍損則汁流
便壞○芋根收藏十月間收根納土窖中令不凍凍便壞不可

作種又不可食○熊蔬四月念間蠶上新時摘棟完葉累疊之
以加水積磨瓢中使其汁盡出後入甕注水以醃之常分水加
葉上至冬取出色黃甚軟裹飯佳品也○大蒜收藏剥去皮浸
好醋中過屢月愈久愈新味佳臭減○生薑收藏八九月採薑
用大盆貯土埋其中冬月置煖室中令不凍凍輒壞若甚燥煖
新土則不乾○葱根收藏不採經冬亦不死未凍時採納草筍
中置地上凍不妨至月墮後出投土窖中則生黃芽立春日食
之甘嫩無臭○竹筍收藏五月取筍肉一百斤用鹽五升水一
小桶調鹽漬筍半飽取出紐乾以原酒水澄清煮筍令熟取出
醃晒乾臨用時以水浸軟就以浸筍水同煮之其味尤佳取筍

去皮切開沸湯焯過晒乾收之臨用時以米泔水浸過如新用
鹽湯焯過則是鹹筍○羊蹄根收藏九十月間多採根密密排
栽於大窖中以上壅培塞窖門正月開之則銀莖滿窖作羹軟
滑味美但微酸先以沸湯焯過浸水退酸後作羹方佳○當歸
根收藏十月採根作大窖種於其中時澆之畦傍多設火爐如
春候則生芽作炙生食俱佳又法窖內作坎時時燃柴澆水則
芽易生○菰根收藏霜後取菰根栽窖中以乾馬糞壅之生芽
作羹香嫩極佳嚼之無滓○木頭菜木收藏十月終刈取枝端
數三尺許不拘多少用大篋盛去置煖屋中另以細木削尖亂
刺篋中土作穴仍以木頭枝押其穴毋令皮卷類以濕水澆之

則芽生可以作菜○松茸收藏晒乾收之臨用以真黃土調水如稠粥浸松茸其中經宿出之則還生可食此松茸加鹽令極鹹至春取出退鹽於米泔水用之又初冬投淡蘆中甚佳○蕨蕨收藏三月採嫩者蒸熟以乾灰拌之晒乾洗去灰又晒乾收之臨食以湯浸令軟為饌味佳○蒜薹收藏五月揀肥嫩者用鹽湯焯過晒乾臨用湯浸令軟調和食之與肥肉同造佳○薑茺蕸收藏上同用時必去皮食之○生菜收藏九十月中於墻南日陽中作坑坎深四五尺取雜種菜列布之一行菜一行土去坎一尺便止以穰厚覆之得經冬頭即取緊然如夏菜不殊飯粥諸品○凡稻米霜後無毒早稻米有毒須半雜陳米作飯則

佳無毒若欲單炊早稻米必下湯煎數沸湯後仍酌去其水再
入他水造飯則毒少○麥成實未黃則刈取晒乾作米和粳米
炊飯其味殊勝○粟米稷米各二升粳米二升青粱米五合赤豆
七合大黑豆一合相和作飯則甚甘香熟水亦好○藥飯上元
日時
食好糯米一斗精鑿水浸一宿另用大棗去核烹粟去皮細切
栗不必
細切各二升許乾柿細切一升許柿多
味酸好蜜一升許香油八
九合許甘肅醬煉過者一鍾子許先將糯米瀉取甌內蒸之令
七八分熟則取出待強和前物料湏十分調勻不許有小塊復
入甌中再蒸通熟取用棗核木取升
和蒸色亦佳○白粥性暖糯米為上
用石鼎為上水鐵鼎次之錫鑪為下用甘泉則味佳泉劣則粥

色黃而不成煮法精鑿白米多洗下熱湯滴香油略炒待油盡
入然後多灌水用柴木火連連煎去至半熟汁少彈便以煮匙
酌出其汁於淨器內又以煮匙之背微磨粥滓而勿令米粒成
泥復入香油攪勻無火佳火滾煮之用煮匙又取酌出之汁匙
匙添下於粥中其汁旋縮旋添煮到無汁可添而乃止則其粥
十分濃稠如牛乳粥清晨空心甚宜老人生津液食白粥後忌
飲冷水成肺疾○牛乳粥內局法牛乳一升和水二合慢火煮
三四沸去其浮氤另用他器以水少許調心末二合加膏粥稀稠
如減心末
乘乳之沸以匙棹和心末一沸後用鹽湯調味適其鹹淡以磁
器火乾而注盛之作心末法取末精舊沈水作末用焙籠火乾
更舊作末以昂篩篩下三四次用久貯則致

傷每五六日改作飲○又法以米泔水用磨石磨之水飛晒乾
又取○作鹽湯法鹽一升水二升同煎至七八合用細篩篩之
盛於淨器待其滓沈
下去滓取精用之
服乳必停冷啜之熟食即瘥凡乳酪與酸

物相反○海松子粥以精白米水浸以磨石磨之篩取汁待澄
去水作粥三四合許令稀稠得中另用海松子炒變黃色入器
研爛後投粥中攪勻必加鹽食○青太粥青太以磨石磨取汁
篩下白米為心作粥甚美○瓠粥取甘瓠軟者削去皮瓢取白
肉切作薄薄小片與早稻米加猪或鷄肉或加石花鹽湯作粥
其味甚好○防風粥乘露曉摘防風初芽令不見日粳米作粥
待半熟投之候其沸移盛於冷磁碗半溫而食之甘香滿口三
日不衰○葵菜粥葵菜取莖葉而莖則剥去皮入粳米或加牛

或猪或鷄肉一斤煎作粥粥成去肉另用乾蝦肉作麋骨加粥

食之佳○麥粥青麥成實者取粒臼中添水搗爛和米心作粥

調鹽食之味新好即米麥也取米作粥○鷄粥陳肥雌鷄爛烹解散篩下

去脂下粳米心適鹹淡候熟下鷄卵數箇調和煮一沸出○牛

腹粥牛腹取厚片爛烹以手細裂如絲下粳米就原汁煮粥適

鹹淡食之○鯽魚粥取大鯽魚去腸肚連鱗煮爛控起竹篩取

肉去皮骨就原汁下粳米作粥加椒薑等物料食之並上三方

皆宜老人○百花粥石花棟淨碎甲油煮豆腐如軟泡羹樣與

米作粥候熟下鷄卵數箇調和一沸適鹹淡加物料食之○薏

苡粥薏苡米作細末和粳米細末三分一作粥和蜜食之○藕

粉粥取麋者淨洗截斷碓中搗爛布絞取汁以密布再濾澄去
上清如水汴稠難澄添水攪之即澄為粉少和菜末或葛粉作
粥和蜜食之輕身延年○蓮子粥去皮作細末和粳米末少許
作粥和蜜食之延年○薯蕷粥如上法○茨仁粥取新熟者蒸
熟烈日晒皮即開春作粉作粥如上法或入肉作羹上亦同○
菱角粥治作粉作粥如上法甚益人○葛粉粥作粉法如取藕
粉法少和粳米細末作粥和蜜食宜解醒○乾栗粥黃栗細末
作粥和蜜食或生栗去皮薄削烈日晒乾或火焙乾細末作粥
○金鯪紅蛤牛肉粥皆作細末和米作粥或鹽或醬鹹淡適宜
宜無齒年老人○夏月令飯不饑壞法用生苧菜鋪飯上則夜

過不餒

餅麵諸品○今世富家以意造餅屬無所不為多有不知名者後
習切宜戒之○石茸餅取石茸片大者石上加水磨去麋皮片
片鱗鋪以蜜調粘米末作黏物勿致解散以棗栗之屬和蜜為
胎兩片相合作餅形後塗以香油安於竹篩上蒸出塗之以蜜
栢子屑為衣食之○雜果粘餅好粘米精鑿一斗許浸水經宿
另用去棗大棗去皮熟栗乾柿切碎與潤透粘米相合和勻納
甑爛蒸出打木板上令無半粒末搗爛者然後切方一寸許以
芝麻屑作衣食之佳○雜果糕新糯米水浸作末用新熟栗新
紅棗去棗新紅柿先洗鹽湯經去皮切作片勻雜米末另用去

皮菜豆或去皮小豆並米層層納於甑中蒸之如常蒸餅法食之如青太元羹○引絕餅凡粘米或半有粘性或雜粳米皆不用擇取好粘米以溫水浸之逐日換水過四五日漉出甑內爛蒸板上數打百下切作尺餘大餅凡以大豆末為衣收貯經宿冷堅以刀削下小瓜子大慢火上頻頻轉炙待欲噴脹點蜜食之宜冬月○采糕乾栗作末三分之二加糯米粉拌潤甑內蒸熟食之○香艾團子糯米末三升香艾精揀水洗帶溫和糯米二升臼內爛搗取出作片湯水烹出投糯米一升中打作餅而以蜜果滿胎又投湯水中烹起塗以純蜜熟栗屑為衣或栢子屑或芝麻屑無所不宜春初時食○杜鵑花煎薔薇花煎菊花

煎皆以蜜栗為胎浮油煎之用粘米過之○杏餅桃餅桃子杏
子取爛熟者劈去核甑內蒸熟於馬尾篩上取汁另用粳米作
末或和桃汁或和杏汁分十分拌勻晒乾油紙袋收貯冬月更
作末篩下以去皮豆類為層甑內蒸食則桃杏之氣滿口如新
此餅點蒸棗栗之屬亦佳○火餅木麥細末篩下調水成調粥
用真木熾火庭中待無烟氣以其粥汁急湊火上則粥汁自然
焦乾成餅即取起以刀刮去灰塵及焦黑者只取黃熟者點蜜
食之甚美此是峽底之餅也○火麥餅取未熟麥粒爛搗添水
篩下停久去水取濁汁作松餅甚美少和粳米末無妨○松皮餅四五
月間取松枝嫩皮以刀刮淨麁皮取白皮細細裂之沈水數日

控起以南草莖灰或明花燒灰多拌於松皮下釜中水爛煮取出又淨水洗之經二三日退去灰氣又以手細裂之白米作末和松皮裝入甑內爛蒸然後取出板工十分猛打數百下作餅而退灰氣之時必須換水浸之方好明花草節俗名燒灰極甚可用○凡蒸甑餅法如用白米一斗則隔層頭初不入鹽裝入甑內蒸之待氣方上時白鹽和一椀半水令鹹味適宜取清去滓白晒甑內則味好而餅亦有粘氣亦無難熟之慮矣○木麥麴木麥取米作末水飛鋪布上晒乾一斗去皮菜豆二升作末如常法細板釀作白麵味勝或作末搜水刀切作麴亦佳○葛粉麵葛粉和菜末作絲麴即昌麴水麴之類能解渴葛粉出杆城者最好○昌麵菜末

冷水調作稀糊半鍾子許傾入鑪量盆中沸湯上盪之則薄薄

凝熟如紙取投冷水中又取起以利刀打切汁用調蜜五味子

汁或用蜜菊杖汁尤佳

菊杖即毫竹出此道

○絲麵菜末冷水調之另用

瓢瓢亂穿作錐子穴舉於熱湯上注菜末汁於瓢內則其汁流

下各孔細細盤入於熱湯中成麵矣即取投冷水中其細欲與

髮同舉瓢須高之汁法上同

俗稱水麵或稱絲麵

菜末延杏仁則爛不能

作索○山薯麵山薯去皮薄切晒乾簾中按為粉篩如常法作

麵食之加酥蜜為醇麵尤佳○楓嶽石茸餅法表訓寺僧細春

瞿麥

此則石竹花子非也似是耳麥之誤也

以篩篩之百匝然後調蜜水並雜石

茸蒸於鑪甑其味絕佳○餛飩餅木麥末細作末調蜜水如稠

粥納陶缸中堅封口埋糠火待蜜水自乾然後取出味甚甘美
或以匙切出如松餅揉以炒芝麻屑為衣食之尤佳○小麥麪
小麥磨出新磨石中入細石屑者有毒不可食且此麪性熱有
毒甚損人蘿蔔同食制之

茶湯諸品○東國無名茶只有雀舌一品凡煎茶法須用有焰炭
火滾起便以冷水點佳同再滾起再點如此三次色味皆佳湯
不欲老老則過苦聲如澗水松風不宜遽瀹惟移瓶去火必得
其沸止而瀹之方為合節○杞菊茶用野菊花一兩枸杞子四
兩茶芽御雀五兩芝麻半升同研為細末篩過如喫時一匙入
鹽少許香油不拘多少以一滾沸湯調服○枸杞茶秋深摘紅

枸杞子同乾麵拌和成劑捏作餅樣晒乾研為細末每茶一兩
入枸杞末二兩和勻入香油旋添湯攪成稠膏子用鹽少許入
鍋煎熟飲之甚有益明目○溫棗湯大棗去核用水熬汁生薑
并和蜜同將三味調勻入磁罐內攪令稀調得所每盞排一大
匙沸湯點服○水芝湯乾蓮實一斤帶皮炒極燥搗為細末粉
甘草一兩微炒為細末每二兩入鹽少許沸湯點服凡蓮子黑
皮堅硬氣滯皮垂心住精世人難於作末而棄之良可惜也此
湯夜坐氣乏時飲一盞大能補虛助氣○杏酪湯杏仁三兩半
去殘仁浸百沸湯蓋定候冷如是五度搗去皮尖入砂盆內細研
次用好蜜一升煉至二三沸着涌掇退候半冷旋傾入杏泥又

研和勻每用沸湯點服○鳳髓湯栢子仁胡桃肉湯浸去皮等
分研爛次入好蜜和勻沸湯點服○清泉白石茶用胡桃栢子
肉和真粉成小塊如石狀置茶中○梅花茶臘月後用竹刀取
半開梅花葉上下蘸以蠟投蜜在中夏天以熱湯就盞泡之花
即綻清香可愛○菊花茶甘菊花半開時摘下刮去青蒂之皮
用甘泉烹過和蜜飲之佳菊已開者去蒂皮以蜜拌瀝之轉出
箬葉中投沸湯暫焯過取出又投蜜水中散栢子仁飲之○柚
子茶生柚子好梨細剉如菜投蜜水中散栢子仁飲之宜酒渴
柚皮剉之其仁勿破囊以完固投之○葡萄茶葡萄及爛梨同搗碎取汁以
入生薑自然汁白蜜和百沸湯候冷傾入三升調勻飲之味絕

美若冷飲則易致嗽

山葡萄生梨亦可

浮栢子仁○山楂茶用山楂煎

蜜水調飲浮栢子

煎法見下

○薑竹茶竹瀝不拘多少和薑汁好蜜

飲之則善降肺痰此茶入瓶經重湯味佳○薑橘茶橘紅三錢

生薑五片雀舌茶一錢同煎○如煎茶和蜜飲之善開食積痰

滯而不可長服○當歸茶立春後取窖中所養當歸莖以刀切

三分許投微溫蜜水中浮栢子飲之清香甚美○萼茶四月間

取未開嫩萼投蜜調五味子水浮栢子飲之○荊芥茶取穗葉

滾湯煎去渣飲之清利頭目○紫蘼茶夏月取紫蘼用紙隔焙

不得翻動候香以百沸湯入瓶將葉投入密封瓶口須熱飲○

萊豆茶萊豆暫烹取水和蜜飲之色綠味清解胃熱○梅子茶

烏梅肉作細末另用好蜜煉去沸沫入梅末調勻如稀糊磁缸

收貯暑月和水飲之解渴可代醍醐湯

一方梅子末入蜜煉四五沸收入缸中取用之

煎神蜜果煎蜜果菜飴糖諸品○凡煎果子酸者用熱湯化朴硝

放冷浸去酸味軟嫩者只煉蜜放冷澆在果子上淹一宿其酸

味自去澆出淘過控乾並先煉熟蜜復入煎五七沸放冷再入

舊蜜內煎如琥珀色去蜜置器中煎時須用石磁等鉢為佳○

又法以半蜜半水煮十數沸去熱控乾別換純蜜入砂石鉢內

用文武火再煮取其色明透為度入新蜜盛貯時復看視纔覺

蜜酸急以新蜜煉熟易之○煎神蜜藥果法真麵一斗用好清

一升真神八合

春夏則須用神八合

以急手攪白亦勿久等恐膠生不軟

須輕輕拌開

豆豉中

略厚五六分許即拉合更拌大小隨意方

切另用真油三升注平底水鐵鍋中旋下藥果以柴火煮之以

煮匙隨煮隨反令不貼鍋底焦黑煎至藥果自浮以煮匙信手

反轉亦至浮上已十分熟矣然後以煮匙取出納於三升好蜜

中此是汁清也

清須先煉過

用手漬漬而藥果有欲碎形亦以汁清

漬之待清盡入而出置平盤上風之則自堅矣栢子末五合胡

椒末一合桂三合為合劑時物料則極佳或加炒芝麻二合許

好

此是水原府法

○饅頭果用造藥果餘劑如作松餅樣子另以棗肉

乾柿等物為胎油煎漬清法上同以栢子末糝之佳○乾果茶

食乾果作末和蜜木板印出如無乾果生果薄薄飛削晒極乾

碎作細末用尤佳○松花茶食松花開即飛落難收待欲開時
連枝折下布淨席晒之取自落花水飛晒乾用造法上同味甚
香美○胡麻茶食黑枝麻子九蒸九晒按去叶粗皮色青白
炒香搗篩為末造法上同明日延年○雜果茶食乾柿乾栗棗
肉水煮胡桃肉水浸四味於碓內同搗爛造法上同或晒乾儲
之以備荒歲一名仿倫餅○杏煎杏子一百箇鹽半斤淹三日
出晒半乾冷水洗過晒乾去核以熟蜜三斤浸之晒以蜜乾為
度○桃煎桃子一百箇去皮核切作片子先以蜜熬去酸水然
後另用蜜煎撈出晒冷水之○櫻桃煎每櫻桃一斗入蜜二升
為率用鍋以灌水沸之洗淨櫻投其中又沸一次則櫻盡爛水

微紅以其水並櫻桃於篩上按去取汁狀如豆粥和之以蜜復入鍋慢火煮之如飴以真神塗器內貯煮櫻其中以水浸冷每割用亦以神染刃○木果煎先用蜜水相反於石器內慢火熬穩過次將木果去皮瓢核取淨肉切作方寸大薄皮入蜜同煎如滾起泛沫旋旋掠去煎二三時嘗味如酸入蜜須要甜酸得中用匙挑出放冷器內候冷再挑起其蜜稠硬如絲不斷為度若火緊則焦味又不佳但慢火為佳又俗方木果取肉蒸熟按篩取汁和蜜食亦好○蓮藕煎初秋取新嫩者沸湯焯過半熟去皮切作條或作片浸鹽汁一大碗候冷浸一時許瀉出控乾用蜜六兩浸去瀉水止別以蜜十兩慢火煎令琥珀色放冷收之俗法取藕任意切之

蜜水相反慢水熬之并將盡乾另添純蜜熬之時時掠去泛沫

此方亦好

本法切藕盛竹篩內合蓋略蒸取出蜜煎如前方佳

○生薑煎秋社前取嫩

芽薑以刀刮皮去切作廣片要厚一分許投鍋水中以慢火煎去辣味換水數三次煎之直待辣味之減去十之八九然後取出另用蜜水相合煎薑火亦要慢以并盡為度又煉蜜下之○

冬果

正果

十月取經霜老冬菰去青皮以延青邊肉切作片子泔

湯焯過放冷以石灰湯浸四宿又泔水三四日去灰水同蜜水於砂鍋內煎熟下冬菰片子煎四五沸去蜜水別入純蜜同熬候冬菰色皆微黃為度磁器內收貯候極冷方可蓋覆○竹笋煎竹笋和殼煮七分熟去殼隨意切之用蜜浸一時許瀉乾却

用蜜煎滾掠淨入笄拌勻磁器內收貯久留不壞○桔梗煎二月棟均大者以米泔水浸去皮及爛者水煮去苦味取出用蜜慢火煎蜜盡為度再用蜜浸日中晒乾蜜為度以磁器盛貯再爛蜜添○山葡萄煎取爛熟者甑內蒸過乾之以蜜水相半慢火煎乾另入煉蜜熬成○補猴桃煎法同上○菊杖子煎法同上乾○棗爛法棗爛法密水相半煎以水乾為度棗則水潤熟然後又棗爛法水浸潤透甑內蒸之以手拈去核代納栢子作爛法還封口○造飴糖法諸米皆可作惟糯米者入藥以糯米作稠粥候冷入麥芽末候熟取清再熬如琥珀色者謂之膠胎可入藥其滓之而色白堅剛者謂之飴糖合胡椒乾薑等末及炒芝麻物料只可

啖之而已○俗方以大米

炊飯

仍置鼎內柔熟入麥芽末略一

計三四合許入溫水三瓶許還覆鼎蓋留糠火於鼎底使不至
冷半日後飯和湯水只有米皮仍以布絞下米水於鼎內再熬
成糖熬時安甌鼎內以防沸溢又法安缸熱壞工以飯如法下
溫水麥芽調勻以被壅缸待米消取汁熬之○造清法秫米一斗
甌一斗淨洗爛蒸及其未冷以冷水二瓶麥芽末二升和勻入
缸初昏釀置日短則鷄初鳴出日長則平明出盛細布如漉酒
倒清入大棗去核四合濃煎入砂缸稀稠同蜜狀堅封缸口覆
以槐屬地埋三十日而出則成好品白清

菜蔬諸品○竹筴竹筴實蔬食奇品而若作羹作脯皆失真性煨

剥最良煨熟啖之甘美不可言○莫新笋法以沸湯煮則熟而

脆味尤美若薦

陳也

者少入薄荷同煮則不薦與肉同煮不用薄

荷其笋亦鮮○竹笋鹽沈令極鹹至十月間取出浸水退鹽投

羅當凍沈筍中亦佳○竹笋或煨或煮去皮隨意切作薄片作

醋菜而以石茸磨菰薑葱胡椒栢子之類為物料○竹笋蒸以

煮笋切入軟雞蒸中而食之○竹笋酢熟切作片子沸湯略焯

過控乾另用薑葱川椒等物料及麴末研爛並鹽拌勻同淹一

時食之○熟笋並牛肉作汁散炙亦好○熟笋同物料粳米飯

麥芽末作食鹽如常法亦可食

入油

○蒲笋酢法三月取生者

一斤寸截沸湯焯過布裹鹽乾入物料及熟油粳米飯麥芽拌

白入磁器內一宿可食

本方無麥芽有紅翅

○藕梢酢法四月採取生者

寸截沸湯焯過鹽醃去水蔥油少許薑橘等物料粳米飯紅麴

研細拌勻荷葉包隔宿食之

麴代麥芽似可

○落當

即槐子花

四月採嫩花

作鮮極香美○茄子蒜茄法深秋摘小茄兒去蒂揩淨用醋一

碗水一碗合和煎微沸將茄焯過控乾搗蒜並鹽拌勻納磁罐

中○小嫩茄切作條不用洗淨乾多著油鍋內加鹽炒熟入磁

盆中攤開候冷用乾芥末拌和收入於磁罐中

此則芥末茄法

○醬茄

法霜節摘下小小茄子加鹽數日控起摘下瀝汗另用味甘清

醬入肉煉過後投茄子於醬中數日食之○茄爛法取大茄子

不必用水

裂三面而不許兩頭各分以刀略剝內穰另用牛肉

豬

雞肉亦可多洗去血加物料及真末以許和合爛搗填滿茄腹以絲

統縛下醬水中煮之而必以所餘物料和作汁更以加真末待

熟食之○晚冬月茄蒞法茄子初經霜則味甘矣即摘下去

蒂及承茄皮剝先用百沸湯放冷和鹽令後鹹以茄子裝入小

篋內用水磨石壓之覆稻葉封篋口蓋盆埋地待臘取出裂之

洗蜜食之味清美如欲色紅同納雞冠花水不必用○又法先取

芋莖切作三寸長糝鹽半日絞去鹽水又加鹽如前絞去殺

其生氣又加鹽取茄子去蒂拭淨納小篋中以前加鹽芋莖覆

之多取雞冠納之全不加水置陰處凍時則置不凍處冬月取

茄色紅可愛方雖曰全不加水○夏月晚茄蒞法摘下水茄子

拭淨切去大蒂勿去承茄蒂有破者一並去之只揀完者另以
百沸湯淡和鹽候冷又取大蒜磨汁和乾鹽水中罐下缸內以
茄子安排停當而令水浸過茄子數日食之俗法以刀割開茄
腹三面裨絲片泥莖如此則茄水盡漏不美矣○糟茄法七八
月間揀嫩茄去蒂用沸湯候冷和糟鹽拌茄壘箬葉札口泥封
○凡茄子作菜作羹皆好欲生啖者必用陳久石花鹽加其上
而食之則為佳品安酒○冬茄蒜法冬茄揀大者留至冬至前
後削去皮瓢切如一指闊條以白礬石灰煎湯焯過瀝出控乾
每斤用鹽二兩蒜瓣三兩同搗碎拌勻裝入磁器內添熬過好
醋浸之○俗方老冬茄削去皮瓢只取堅肉切方寸許厚二分

許要形圓略加鹽待半晌以水洗去鹽乾淨添油煮出候冷多
可好醋碎蒜磁器收貯或不用蒜醋只澆醋醬所謂芥汁不泄
氣收貯○又法冬菰煎油如上法薑蔥蒜細切於缸內並冬菰
層疊收貯灌以好醋姜清醬令浸過其上堅其封蓋埋地中明
年二三月取食其味絕佳○老冬菰削去皮瓢只取堅肉半手
掌大用利刀薄薄割下如紙加鹽去津令柔絞去滷汁另用牛
肉或猪雞肉和物料以刀十分爛搗油醬炒熟取出略略包
卷於冬菰尾每五六尾以竹簾作串安於竹篩上蒸出別用醬
水下用餘物料調之必加真末作肉汁浸串其中而食之○冬
菰煎法兒冬菰團團切下加鹽待半時許添油煎出滴好醋加

薑蔥蒜絲味美○冬菰羹法中冬菰以刀刮去粗皮又去黏切

如栗子大入肥牛肉用白蝦鹽汁添水令鹹淡得宜煮作羹甚

美牛肉必帶白脂方好

○冬菰菰只取中冬菰肉切一寸許薄作片如常

法洗淡菰欲終入鷄冠花又如薑蔥○菰洗菰法菰經一霜即

收如常法作淡菰藏瓮封蓋埋地中令勿泄氣至明春發見則

其色如新味亦清爽○菰蒸如魚肉皆美而加乾蝦肉尤美○

菰芥法取經霜菰洗淨切二寸許乘其生氣納熱釜中添油急

炒少時取出候冷納磁缸中以醋醬芥汁灌之勿泄氣堅封同納

冬菰菰煎亦可

○黃菰菰法取未老黃菰去蒂揩淨用醋一椀水一椀

合和煎微沸將菰焯過控乾搗菰並鹽拌勻納磁缸中○黃菰

爛法老菰去皮以刀劃腹三面略去瓢另用牛肉多洗去血如
物料爛搗只和真末填滿菰腹下醬水煮之納肉料餘物只和
真末作汁食之○黃菰淡菰法取耒老菰去蒂洗淨以刀劃三
面入鹽椒少許又拌蒜片四五片用百沸湯入鹽乘極熱而灌
之菰先入缸中堅封翌日可食○龍仁淡菰菰法耒老黃菰百
箇摘去蒂揀去破傷者用味甘冷水和鹽要淡先以菰洗淨納
淨缸中即下鹽水浸之明日又取菰出令在上者反在下在下
者反在上而必細心揀去皮傷者又明日亦如此反轉連七七
次不止味佳欲沈經冬菰須待收麥後種菰取子令味稍鹹正
月間取食時割菰兩頭浸水退鹽食之好○黃菰鹹菰法取耒

老菰洗淨另用薑蒜蠻椒韭葉葱白等物細細剉用淨缸先
下菰子一層次下物料一層至菰盡乃止用百沸湯和鹽稍醃
乘熱灌缸中以獨葉塞住封蓋翌日食之此是夏月法 醃菰欲經冬
者必收晚菰可矣物料同上不必用百沸湯用冷水和鹽甚醃
無妨○黃菰熟菰法收晚菰水烹至熟取出候冷納缸加鹽令
極鹹待十月末沈蘿蔔凍菰時始取起熟菰用冷水浸之令盡
退鹹氣然後投入蘿蔔凍菰中待味入食之可供無齒牙老人
○黃荻芥菜法取老黃荻削去皮瓢只取白肉刀切作絲和鹽
少頃用水絞去鹽汁和醋醬芥汁○糟黃荻法用石灰白礬煎
湯冷浸一伏時用酒泡糟鹽入銅錢百餘文拌勻淹十日取出

控乾別揆糟鹽酒再拌入壘收貯箬葉扎口泥封候熟而取食之○黃茨未老者同洗汁醬中或洗醬篋中或鹽淹取出投蝦鹽汁中皆可為雜用好饌○醋薑八月取嫩薑以鹽淹一宿用原酒入釀醋同煎數沸候冷入缸箬葉扎口泥封○糟薑社前取嫩薑去蘆擦淨用酒和醋鹽拌勻入磁壘中上砂糖一塊箬葉扎口泥封七月可食之○薑鬚薑先用蔓菁根或蘿菔根以利刀薄薄削同嫩蔥作淡菹時同入薑鬚待熟食之清烈無比又十月同入蘿菔凍菹中則尤奇蔓菁亦蔓菁○蔓菁菹取根只可飛削作淡菹一時食之不可作經冬之饌品○蔓菁菹取根葉洗淨以醬水菹如常法而加魚肉無所不可加乾蝦屑尤美此

菜每飯必同喫則善防土疾○蘿菔凍沈菹秋末冬初待天甚

涼冷收軟根蘿菔大如刀柄者以刀刮其皮洗淨納篋以百沸

湯候冷和鹽淡之灌下篋中以藁草包篋埋地先以未老黃菰

軟茄子滴露根松茸之屬各隨其時而浸鹽水令極鹹至此皆

取起浸冷水退去鹽氣又取生薑葱白青角及去目川椒並茄

芥之屬同沈於埋地篋中堅封掩土待熟出用味絕美恐令人

過喫生痰嗽慎之茄子藏灰取用法見上○沈蘿菔鹹菹法初霜後取蘿

菔根葉洗淨另取鹽椒嫩實葉此則露冷時先作青角末老鹹菹至此合沈之

黃芥南芥如小兒拳者並葉下嫩莖莖則去皮絲秋芥莖葉及冬芥

切切去皮切如手掌大深冬後待熟臨食去皮色白可愛川椒韭菜之類一時同沈而多磨

大蒜取汁與蘿菔及雞卵下瓮之時層層間隔白入蒜汁然後
堅封埋於地中如前法到臘月取食則絕美勿泄氣可以至春
矣並泥芥莖及兒茄子亦好○蘿菔熟菜法秋間取根去葉以
刀刮皮大者劈中另用牛肉洗淨去血或雞或肥鴨去腸肚
洗淨取蘿菔根並肉下釜多灌水爛煮水半縮始下油醬又煮
之水將盡縮取出牛肉不用只取雞肉爛搗作屑並細切薑蔥
等物料拌蘿菔而勿令破損煮完時取出糝胡椒末候冷食之
○蘿菔黃芽菹正月取土窖中所藏根煎下黃芽並脆削蘿菔
根生蔥作淡菹食之令人頓生春意○蔥立春後取窖中養芽
黃蔥作串於簾以刀背微搗平之油醬水和真末作汁塗炙滴

好醋食之則亦生春意秋蔥作菜不佳○淹韭菜法霜前棟肥
韭無黃稍者淨洗控乾於磁器內鋪韭一層糝鹽一層淹二三
日翻數次裝入磁罐用元酒加香油以許拌勻收貯○淹韭花
法取花半結子時摘去蒂梗每斤用鹽三兩同搗爛收磁器中
或取韭花中淹小黃荻小菰兒別用鹽淹去水待一二日入韭
花拌勻收貯瓶用銅錢七枚○韭菜春月尤佳剪葉略焯沸湯
加油醬醋食之○醋蒜法蒜一斤石灰湯焯過涼乾鹽三錢醃
一宿瀉出再晾乾用鹽七錢炒乾以頭醋投入炒鹽內煎一二
沸候冷入罐泥封經年不壞○糟蒜法蒜一斤石灰湯焯過晾
去水乾鹽一兩五錢糟一斤半拌勻入罐內泥封兩月後可食

○蒜薹炙法

叶言

五月取軟蒜薹略焯沸湯控乾刀切數寸許

作串以油醬水真末汁塗炙食之間肉作串尤美

一云焯過水

作炙

○芋俗稱土芋只可作羹八九月收根以刀刮粗皮投熱

釜以添油急炊火時下油醬煎之易爛宜肥鷄○芋羹芋作

羹甚美

○芋莖本

叶

作羹亦好

○芋葉嫩者摘取陰乾冬月

沸湯焯過可以裹飯○芋叶爛者篩下取汁和好蜜再煮三四

沸可代正果○香蒲莖法

即蒲黃苗作法見上酢即鹽也

春初生嫩茸啖之甘

脆大美作蔬如常法養生書曰蒲笋作蔬甚佳○山芥莖法先

用蔓菁根或蘿蔔以利刀飛削作淡莖

俗云叶

置溫處一二日

待熟取山芥棟精不必去根以水洗淨貯於缸器就於釜中熱

水其熱以入水注洗三四次因以其水並芥納於缸中
水則量

呵多噓口氣於缸內以重紙密封缸口又以盂合定必不泄氣

置於煖處以衣被覆之半時許取出候冷和合於先造菁蘆之

中加味甘煉清醬食之則辣味大減清爽甚美若就單洗以芥

和醬食之則太辣反失味矣每取用後即密掩缸口令泄氣風

入味變苦先取青蘆蘆必入蘿菔芽及蒜白等物○高菴薑菜早取嫩蘆菜煮

熟去皮切一寸許加油醬熟釜炒熟食石耳蘆菰真筆實栢子

等物為物料○龍菜法取甘而未老者去皮瓢沸湯焯過絞去

水氣和油鹽食切長一寸許廣四分許○紫蔥五六月採根剝

去外皮投煉清醬中啖之無臭為佳饌○芹取四月軟莖沸湯

焯過不切可蠟椒醬食○芥羹入道味魚或廣魚秀魚同煮好
蒸食亦可○芥醃菹必與嫩菹春蘿當同炆加細○芥菹春
芥必鱗次下種旋旋摘下軟莖作醃菹皆佳秋芥作冬菹○
冬菜只可作羹連葉折軟莖去皮下醬爛煮加乾蝦屑尤美○
艾芥菜沸湯連軟莖葉焯過入醋醬○首蓴菜取未生芽之根
沸湯焯令七八分熟加油鹽○當歸菜窖中黃芽生或作笑
或同入蘿菹菹中無處不佳夏月山中生者取莖塗油醬水
乾所調真芥作笑亦美○羊蹄菜春初摘新生者同青魚作
羹味佳秋取老葉編掛陰乾冬間沸湯焯過去脊莖水沈一日
絞去水加肉作羹好又正月間取窖中嫩莖沸湯略焯過浸水

一日去微酸氣加肉作羹味美○木頭菜有真假取真者煮熟

後水半日絞去水氣用醋醬或油鹽作羹皆佳或間肉品作串

以油醬水真末汁塗作炙甚美此木無刺者為真○蔥取春初嫩芽作

羹作菜皆佳○黃花菜一名荒草又稱呂星狀如萱種別六七月間花方盛去

花鬚淨水微煎一沸和醋食之柔滑疎淡味奇○木芽取嫩芽

加肉作羹甚美○枸杞折嫩筭沸湯焯過和醋醬作佳菜○菊

大甘菊花帶濕拌菜末經微沸湯中取出加栢子石葺等料用

醋醬作菜佳嫩筭作菜同枸杞法○松茸同雞肉作羹或作串塗油

醬作炙至半熟而食之即菜中仙品小麥熟時雜木下生假松

茸亦有松氣可食○真茸生者熟釜滴油急炒待油盡入和肉

品下油醬煮作羹若乾者水潤可用○菌蕈取無毒者多下油
炒作羹法上同○凡新春百菜皆無毒沸湯焯過為菜而以新
沈淡水醬和食羹○秋蓼桔梗佐飯法取兩菜根刮去皮爛搗
臼中浸水時時換水去盡苦味然後蒸熟取出以甘清醬香油
胡椒川椒薑蔥等相合以手揉爛貯器經宿晒乾每取用之時
更和塗香油若干作炙而食之羹○青角佐飯法卿海取乾青
角切三分許浸水候潤取起絞去水氣另用好清醬入肉煉過
以青角投熱釜中添香油炒之待油透入更以其煉過醬及香
油旋滴旋炒不必有汁即取出貯器取用炒時加薑蔥既炒
出點胡椒亦佳○
造紅花子法取子淘去浮者臼內搗碎入湯澆汁更搗更煎汁

鍋內沸入醋點縮之似肥肉入素食極珍美○酥杏仁法杏仁
去皮尖瘦仁浸鹽水數日去毒取出以香油煤煨色變為度候
冷食極脆美投煉清醬食之則為好佐飯孕婦忌食○胡桃佐
飯法上同○煎川椒法粘米作末和清醬打之如餅裹以布袂
懸蒸於鍋內取出就板上用木杵且攪且磨良久以川椒末唾
合又拌又打磨杵作小索狀以刀切之大如瓊陸骨子晒令極
乾布乾亦可然後投香油鍋中煎之則團團而起又法以去目完
川椒一粒安骨子中晒乾油煎令起之亦得○蒸乾菜法三四
月間將大窠好菜洗淨略乾入沸湯中標五六分熟晒乾用鹽
醬花椒同煎極熟又晒乾再蒸尾時以礪器收貯用時著香油

入醋飯上蒸食之○遊山蒸松茸方新採松茸以櫟葉包百匝

取積枯柴燒於火中待櫟葉將燒盡然後取出松茸點鹽醬食

之甚美一方以南菰葉按茸淨之又以其葉包之外裹黃泥柴火熟拌油鹽○遊山蒸蕨方取石

廣而薄者六瓦就地上立作石函樣即折取肥蕨排立於石函

中令藕另取用雌雞無則肥雞亦可去腸毛洗淨倒押於蕨內以石

蓋定於外以黃泥厚封之令無隙多積乾柴於其上用火燒之

過一二時辰取雞蕨出候冷用醋醬點而食之味極佳○凡醃

芥菜宜初一初二初七初九十一十三十五日忌初五十四二

十三日醃肉作脯忌宜上同

醬諸品○醬者將也為百味之將人家醬味不好則雖有佳菜美

肉難以治膳矣且村野之人得肉不易如有各種羹醬飯饌可
以無憂為家長者須先留意此醬以為陳陳取用之道可也○

造醬吉日丁卯諸吉神日正月雨水日及立冬日三伏內黃道

日浸豆黃道日拌蒸○三伏日合醬不生虫○日未出及日未

沒下醬不引蠅子○晦日造醬下面北啣枚不語合醬則虫不

生○所忌辛日水日忌造生虫又忌水痕日大月初一初七十一
十七廿三三十

日小月初三初七
十二十六日○黃道日浸蒸時忌見婦人則無虫○面太

歲造醬無虫○造醬無虫方草易對其六七箇切作四片塚尾

蛆自死永不再生又方加百部根尤妙揉一作撒○備尾尾七月

坏為上八月次餘月下要厚不宜薄此磁甕不好無問大小市

買者先覆地上用蘆草包火待烟起即納尾口仍以覆之細視
尾外一周如有沙穴則烟輒透出去須於無風處試之可也若
灌水尾中試尋沙穴難驗尾果無隙穴者先即塗治勿使盛水
未塗遇雨亦惡○塗法掘地為小圓坑傍開兩道以引風火生
熾炭火於坑中含尾口於坑上而熏之火盛喜破火微難熱務
令調適乃可數以水摸之熱灼入手便下偏熱脂於尾中回轉
濁流極令周匝脂不復滲乃止牛羊脂為第一猪脂亦得黃蠟
甚佳價貴用松脂亦可以熱湯數斗著尾中滌洗之過却滴盛
冷日數日便中用時更洗淨日曝令乾○取用曾經多年醬尾
亦好○擇水取甘泉百沸大釜中如法和鹽候冷澆去滓造醬

或云鹽水經一夜煎用之則雖能尸氣味不變隆冬盛暑其味亦變矣○臘雪水造醬不生虫味

亦佳

臘月中取雪細篩篩限五天十石積置陰處春初有欲融之餅安大甕於房內取其雪填甕中隨消隨填而春多暴

寒恐破甕必以藁草裹護且令房內常溫可矣○鹽水沸過泥醬則可以防生虫矣○鹽品鐵釜煮成者

味苦不用須用土盆所煮者而大海中所出酒氣太早不佳惟

海邊通長補處深入煮出者脚油不粗其味鹹而甘可以造醬

○凡造醬鹽深置密庫要避南風恐消費須用數月積置盡去

酒汗者方佳○鹽自鐵釜中及大海中所出煮者以水漬令微

濕作木方機踏整如造麵樣厚裹藁草以火燒過則其堅如石

復碎臼中和水造醬則酒氣去而味必勝矣○一法鐵鹽日晒

夜露凡十許日然後洗醬醬味方甘矣○造豉法俗稱未醬又曰燻造即今

之叫先就地高慘處掘長渠如馬槽狀深纔尺許渠之四面分
開水道以空篋編茅之屬鋪渠中大豆不拘多少淘去沙石浸
一宿漉出大釜中下水爛煮至十分熟經宿取出臼中爛搗
如泥手磨作團大如中豆以大刀劈分兩片每片又以刀橫
切則形如半月厚為一寸餘即鱗鱗布安於渠中空篋上另以
空篋茅草之屬厚蓋之令不透風漏雨則致瓦發自蒸矣待上
夜去蓋翻轉一次而還蓋之如此者凡八九次則自然延至數
十日幾盡乾正始取起晒乾造醬依此法然後造醬可以經年
陳久味亦如好矣今見鄉村每團作塊蒸乾於房內故塊中終
不善乾造醬多失味又不能作陳醬矣○秋間以新太造致如

鄉村法明春浸淡醬甚佳○別醬法家造末醬乾正作末肉
入生牛肉以利刀爛搗如泥又加香油生薑葱醬椒胡椒
又以清美醬和水交合如稠粥都入砂缸封以油紙蓋以砂大
槓埋糠火中而燒之今日即時埋之翌日即時出用之味極美
○沉醬法以水洗淨末醬先下篋中次下鹽水而每末醬一斗
鹽六七升水一桶滿率蓋秋冬鹽少無妨春夏鹽多方好鹽水
令稍高於末醬而晒之觀其水縮更加鹽水以極乾末醬限篋
口沉之則及其潤脹之時恐有篋拆之慮故先用竹櫥篋腹上
下沉醬亦不可漏於篋口○沉醬時物料雜法沙蔘桔梗去皮
晒乾搗末篩下盛帛浸水去苦味絞去水氣納布囊同沉醬內

味勝泡醬又法二味生搗浸水去苦味絞之作團微晒同沅○
生蠔搗背取黃另置以其全體臼中爛搗篩下取髓汁並另置
黃合蒸過入俚沅醬內味甚美○乾大小蝦搗末俚盛入醬內
味絕美取牛腎肉一塊納醬尾下則醬味甚美肉味亦甚美○
豆腐堅盛去水盛囊並沅○入俚法見下○醬忌造致時極忌
淹穢尤忌尸氣○沅醬時外人忌之尤忌往來尸側人見之則
人家醬園皆設屋後僻處圍設門封鎖之○安尾園內延處須
斫去果木恐小兒擲瓦破尾又不可延墻安尾恐墻倒乘尾亦
須煎去雜木令勿厚蔭尾下每鋤亂草防蛇虫之伏藏必以向
南取陽為主○取清醬法用中缸安於醬尾邊待醬十分熟以

手掘醬尾之中作井以鑰曲匙日日酌出清醬分貯於中缸之
內而晒之另用沸湯量宜和鹽灌下大窰中則非久再成清醬
味亦可食若大窰內沉佈盛物料則恐味變勿用灌鹽水之法
○救醬失味法取電耳一二升入窰中即如本味○凡醬窰夜
必去蓋入霜雪則好○沉魚肉醬法大豆十分淨淘如法造末
醬且鹽備佳品水亦沸候冷皆如法用好窰先埋地中另用
肥牛肉去脂膜十餘斤獐肉或羊兔肉亦可雉十首去尾及腸肚鷄十首
治亦如雉鵝鴨鴈皆可用用窰不必剖分牛肚牛心及秀魚道味魚
廣魚民魚石魚真魚之屬皆去腸鱗頭略晒令無水氣鯉魴魚
大口魚亦無不可大小八指魚投沸湯令半熟取出生鰓生紅

蛤略加鹽待透入洗乾然後先以肉品安於甕底次以魚品安之又雞鵝安之以必與末醬間層排下乃下鹽水如前方而每末醬一斗以鹽七升為率安頓既訖蘆草厚擁甕身以紙紙封甕口蓋以瓦盆亦覆以蘆即掩土埋地切勿令雨水滲入周年然後開用則味美無比所入魚品無物不可至於蝦蟳及鷄鴨卵之屬皆可入之川椒生薑豆腐亦可入○又法犖肉羊兔肉去筋膜四斤醬麴一斤半搗細鹽一斤四兩葱白細切一椀良薑川椒右件用酒拌勻如稠粥小甕盛封十餘日醞稠時再入酒淡時加鹽用泥封固日中晒之○生薑醬法三伏中不拘黃黑豆揀淨水浸一宿漉出入鍋煮令熟爛取出攤令極冷多用

白麵拌勻攤在蘆席上用麥稽蒼耳葉燻一日發熱二日作黃
衣三日後翻轉烈日晒乾愈晒愈好黃子一斤用鹽四兩滿率
汲井華水下水高黃子一拳晒之不犯生水麵多好醬黃晒多
好醬味○熟黃醬法黃黑豆揀淨炒熟磨成細末每豆末一斗
麵一二斗入湯和勻切作片子蒸熟攤在蘆席上用麥稽蒼耳
葉燻待有黃衣烈日晒乾黃子一斤用鹽五兩井華水下水高
一拳晒之○麪醬法白麵冷水和作硬劑切作一指厚片子籠
內爛蒸熟攤晒半日候乾以楮葉蒼耳麥稽燻蓋至黃白衣上
勻滿度去蓋物翻轉至此日晒乾刷去黃搗碎每斤用鹽四兩
煎湯泡鹽作水下之一法用貫衆煎湯泡鹽作水下之○大麥

醬法黑豆五斗炊熟水洗半日並洗水入鍋煮令爛傾出候冷
以大麥麴百斤拌勻以篩篩下麴用煮豆汁和搜作劑切作大
片上籠蒸熟取出攤冷以楮葉掩蓋候黃衣上汁乾再晒搗碎
揀丁日或火日下之每黃子一斗用鹽二升并華水八升化鹽
入缸晒之○榆仁醬法此醬能助肺
殺諸虫下氣榆仁淘淨浸一伏時援洗
去浮皮再以布巾盛寬於水中摘洗去涎控乾以蓼汁拌濕同
晒乾如此七次同發過麴依造麴醬法用鹽下之每用榆仁
一升過麴麴四斤鹽一升如法製之食甚香味○小豆醬法正
月取小豆蒸爛冷定團成餅盒內黃衣穿掛當風至三四日內
用大豆炊過磨去皮簸淨煮熟撈出每小豆黃子一斗熟豆十

斗周鹽四十餘斤拌勻搗爛入甕每日攪動晒過七日後便可

食合醬時多必斟酌此法行之○青太醬法新青太剥取粒甑

內蒸過搗爛作團小如刀柄以太葉煨蓋上黃衣晒乾如常法

泥醬味殊佳之一云青太作燻造以櫟葉箇箇裹之以藁桿纏縛

晒乾尤好則泥醬而以入鹽待熟即食若不熟易生未醬極乾則久留無妨凡青太燻造時以加水蒸之而已勿與常法

○急造醬法取末醬浸過水數日待盡透融以甕四五坐掘地

安之而甕口要與地平就甕之四面填實糠粃麥芒之屬依常

法泥甕甕內即以火燒糠火已徧着旋以水時時澆之則火不

便自滅從糠內連燒不已十日醬已成矣○又法大豆一斗爛

蒸真麥五升去砒石炒搗碎交合溫煖鋪乾色黃為度晒乾再

三桮燥後以鹽六升湯水和合泥之置受陽處頻攪之七日
成醬矣○又法大豆一斗爛烹麴子三升鹽四合搗入缸堅封
晒之味好○急造清醬法鹽七合炒桮燥真末八合又和鹽炒
之俟色黃後另以陳甘醬三合並前二種和水六鉢煎至四鉢
味甚好○取經年醃石花鹽汁煎一升至半成好醬與真莫辨
○造蠻椒醬法大豆精揀淘去沙石如法作末醬令桮乾作末
篩過每一斗用蠻椒末三合糯米末一升石三味用好清醬搜
打極稠入小瓮晒之俗方則其內加芝麻炒末五合則膩乾不
好又糯米末多入則味酸不佳蠻椒末過多則辣甚不好矣○
一方大豆一斗作豆腐絞去水氣並諸料同打成熟桮美凡打

合則鹽水亦可以終不如味好清醬矣一方乾魚去頭鱗切作

尾又昆布多絲麻之屬同入待熟食之極美

乾青魚尤佳○不用鹽椒或代川椒

○急造蠶椒醬法大豆一斗炒黃按去皮水煎令爛熟瀉出其

汁不用密布於蘆席中置溫堞三日待絲出與炒豆末三升同

入臼中爛搗取出每一斗以蠶椒末三合為率用鹽水適鹹淡

打勻作稠餅納缸晒七日可食過一豎尤佳○造汁醬麵法小

麥麴音刈二斗揀太一斗水浸極潤與麴同搗爛細蒸熟以手

握緊作團以楮葉掩過待上衣取出晒乾欲沈汁醬時取麵末

一斗水三升鹽三合和勻入缸封口埋馬糞中七日用若埋糠

火則二七日用○又方凡造汁醬麵法每太一斗入小麥麴三

斗而俗方則每太一斗入麴五六升蓋太則味甘美麴多則味
酸不佳故用宜俗方也汁醬麴搗時用竹篩篩之每一斗以不
大不小之鍾子量鹽一鍾入之又加炒芝麻五合和合之將沉
汁醬之水加入色赤味好清醬一鍾子餘勻調汁醬諸物而汁
太稠則醬色不染於茄荻之屬必以手握之汁從指間出然後
方合度矣和汁之時頻頻嘗之醃淡務要適口另用茄子不必
茄黃茄子老甚及太完而不合者去蒂拭淨與汁間布缸內訖
用袖紙封缸口蓋以瓦盆泥封三日後埋缸於馬糞中而馬糞
多而若善蒸則必以冷水時時灑灌方善蒸矣○又方七月望
後大豆一斗爛煮將小麥麴篩去三斗五六升和合再入甑內

蒸熟細搗過如法團作刀柄樣細葉箇中而必以剉葉作隔勿
令相粘破爛時上白衣晒乾搗臼細篩每末一斗入鹽三合拌
勻如泥茄子及荻子去蒂淨洗候水乾缸亦淨洗去水氣然後
先布汁一重次下茄荻一重相間密排至缸口九分滿用所斷
蒂填滿缸內以手按實勿致空疎用油紙封缸口以蓋蓋定外
四圍以黃泥固濟多積馬糞安缸其中以生草覆其上其上
又以馬糞厚埋甚密缸小者二七日出如大甕須三七日方出
馬糞少則不善鬱必須水澆然後乃得鬱○又方太麤如法作
團以桑葉為隔細內或空箇中燠之而箇中則置於濕處甕中
則覆於地勿泄氣過七日取出微晒復細又待六七日表裏俱

發始出晒乾搗之以竹篩篩之每一斗用鹽五合和水打作泥

如搜麵納缸中

茄菜同入如土

多積馬糞待氣方蒸熟排開糞中以乾

草厚統之於排開之中以火燒其草大方熾澆水滅之乘熱埋

缸於其中若太蒸鬱則一七日出若自然蒸鬱則二七日出之

○金州方秋薺米稍鑿一斗炒黃大豆五升炒去皮共作末

泔水和作團如胡桃大甕內蒸過以楮葉或桑葉裹之生黃白

衣待其自乾又作末

作末時必晒乾之

甘清醬打稠得中茄菜拭乾分

無水氣層層下缸如前法馬糞中埋之每三日以溫水洗安缸

處如此九日方出用而每臨食加蜜少許以助其味甚好○夏

節汁醬法甘醬味好者一砂鉢

必麤篩下取汁去沙石

小麥麩四合和合

另用青菰淨洗以巾拭乾與醬麴相雜入缸馬廐糞中埋之二

七日用之

或埋青草亦可

○又方好品末醬作末篩下味甘清醬一椀

麥芽末半合餘

多則味甜而不佳

三味合打頗稠用青菰茄子

必用不多水者

冬菰

作尾如掌去內外皮瓢

淨洗以巾拭乾裝入缸中及封蓋如前法多

刈青草積於地上排開草中安缸於草中仍以草厚蓋之則自

然蒸熟若太過恐味損故日午時則以冷水澆於草上加覆以

藁席之屬二七日出用而夏熱易致味變須安缸於冷水中旋

旋取用○造煎豉醬法

俗稱戰國醬

霜氣初嚴取新大豆一斗揀淨

煮爛取出以藁席包之置煖堦三日待絲生取出另用大豆五

升炒香去皮作末取藁席中蒸過熟豆納臼中搗之而以作末

豆加鹽略干就臼中豆且種且搗頻頻嘗之寧使味少淡不可

過鹹搗既爛取出與茄茄片蘿菔根之類相間納於陶缸中封

口泥塗外用糠火燒埋之過一晝夜出用茄茄之類先以加鹽待皮上以鹹生然後

水洗淨乾裝入缸中醬成加鹽椒食○青太煎豉醬法上同而但新剥嫩青太用

二斗煎太時量宜加新鹽椒太已煮熟去椒不用矣味殊勝○

水豉醬法并利冠大豆不拘多少以炒令微赤揀去焦黑者按箕

上去皮只令中拆不令破碎釜中多下水爛煮漉出其汁留貯

淨缸取爛豆藁席包之或盛大瓠中以巾十襲厚裹置於溫處

中待二三日生絲取出復下釜以留貯豆汁灌下又烹之量宜

下鹽要淡不烹至水升黃渾取出貯磁缸候冷用之而欲加鹽

椒須乾烹豆時入之○一方取蒸鬱生絲太攤乾於熱埃或日
中貯紙囊時時取出冷水烹之如鹽食之亦好○一方取蒸鬱
生絲太略加鹽臼中爛搗貯磁缸中每朝夕以匙挑出與甘醬
等分作菜羹味甚熏甘真老農所餐也○鷄卵醬法取鷄鴨
卵盛大瓢內以手搗之則其卵皮碎皆成細紋即投清醬缸中
晒之○一方取卵八九箇置瓢中取百沸湯乘熱急灌少時如
上法搗碎之取出投極鹹冷鹽湯中十餘日後取出剥去皮穢
投清醬中月餘食之若經年其味尤佳○炒醬法先取牛肉去
筋膜作脯塗油醬炙乾細切作末用麤篩篩下又取味好甘醬
經篩去砂石另用薑蔥胡椒川椒及炒芝麻不必作末同入醬二分

肉一分中加細蜜

水無妨

打作泥而炒之要熟不須極乾可

也○炭醬法此醬爲中屢灌鹽水多取清醬但餘味淡醬滓者

取出按篩得汁和薑蔥川椒胡椒蠻椒之屬與醬打勻以細蜜

炭於火上加炒芝麻亦好○醬餅法篩下味好甘醬和粘米末

及物料油水打作餅湯蓋煮出方寸許切而食之○淡水醬法

秋冬間造末醬而團團作塊無妨春初破塊見之帶濕氣凡破

晒乾每三四斤用溫水和淡鹽洗小缸置溫房中或晒之則六

七日熟同菜新出者食之味新矣

或先以溫水洗末醬三四日臨食下淡鹽

○十里

醬法味甘清醬慢火煉之一斗縮至五升另取熟牛肉作薄瓦

膜去脂晒作末投煉醬中又以慢火煎至如稠粥則成矣若火急

醬焦失味

造醋法○醋是醬之次也助味甚多家間之最不可缺一造長在省費亦不必○造醋吉日辛未庚子乙未及除禱開成日又宜春氏箕夏亢秋奎冬危日○秋釀醋宜五月五日七月七日忌戊子甲辰丁未日又吉日與造麴日同考見○安醋甕法甕下須安磚石以隔濕氣忌生手鹹氣又忌雞手出納皆易致敗○治醋味平法因娘婦毀敗者取車轍中土一掬著甕中即成好醋凡醋敗置延廁處則即還本味○以熟酒灌味即敗或入炒鹽其味反淡○水醋法凡收醋須用甕內者入甕燒紅炭一塊投之更糝炒小麥一撮箬封泥固○米醋法陳倉米五斗不淘

淨浸每日換水二次至七日做熟飯乘熱便入甕按平封閉勿
令氣出第_二日翻轉至第七日開再翻轉傾入井花水三擔又
封閉一七日攪一遍再封二七日再攪至三七日即成好醋此
法妙甚○小麥醋法小麥不拘多少淘淨用清水浸三日漉出
控乾蒸熟暖處攤開鋪放蘆席上楮葉蓋之桑葉亦可三五日黃衣
上去葉晒乾簸淨入甕用水拌勻上面可留一拳水封閉四十
九日可熟○又方小麥一斗用水一盆煮熟以粒粒爛拆為度
揀出去水盡攤冷其煮汁亦盛器放冷勿犯生水煮麥十碗入
麴五碗拌勻納甕內灌以煮汁多少視麥用桃東向枝滾轉
以青布裹甕口置受初日處取藁艾作蓋過二七日取用用時

若味變撈去上面白濁破麴作大斤煨至焦黑柳篋內好若用

醋盡添入清酒

或燒酒亦可

味復如初矣此法通四時皆可作○

大麥醋法大麥二斗內一斗炒令黃色水浸一宿炊熟以白麴

六斤拌和淨室內鋪席攤勻楮葉覆蓋七日黃衣上晒乾更以

餘一斗炒黃浸一宿炊熟攤濕同和入黃子捺在缸內以水六

斗勻攪密蓋三七日可熟○秋麴醋法端或七夕日鹿鑿秋麴

米一斗爛烹碎麴五升調和東流水一盆

井華水亦可

沸湯調和盛

篋以油紙封口加以青色紙以艾編覆之過三日用之用一

盞還以旨酒一盞添入

清酒亦可

燒酒又好

燒酒亦可

釀時薑蒲根細

剉乾淨調和則好○柿醋法柿子欲紅時摘取去蒂盛於篋內

日久待毛生以清酒灌之又將麴子一塊火炙浸之便成好醋
醋盡更灌酒浸炙麴用之雖至累年更不入柿味甚甘酸○大
棗醋法大棗半熟時依上法洗之○萆薢醋法剉根作醋法依
上極佳○桔梗醋法桔梗根不拘多少去皮裂破烈日晒乾納
砵缸中以好清酒灌之則成醋○千里醋法烏梅去核一斤許
以釀醋五升浸一伏時晒乾再入醋浸晒乾再浸以醋盡為度
搗末醋浸蒸餅和湯丸如芡仁大欲食投一二丸於湯中即成
好醋○俗醋法粘粟米青梁米二升白米一升白洗作飯水三
斗沸過候冷麴末一升和其水調於飯微溫之納中砵缸內待
穰熟另用麴塊如小兒拳者三箇埋火中外皮焦黑拭去灰深

納前缸中味酸乃用而醋盡以好清酒或燒酒後可量宜灌之

則如舊醋盡常用確酒炙麴之法若久而不酸尚有酒味雖納炙麴之後必以炒焦黃小麥乘熱投缸中百沸湯和蜜乘熱納瓶中緊塞瓶口置溫處則成醋又百沸湯入瓶投乾大棗數合於其中密塞瓶口置溫處亦能成醋

肉膳治法○凡燒肉忌桑柴楮柴火腐敗肉不可食自死肉食之

小則令人發疔腫大則殺人○凡燒肉用簋子柙於炭火上蘸

油鹽醬細物料酒醋調真麴薄糊不住手勤翻燒至熟剥去麴

皮○煮肉用芝麻花為末置肉上則油不流○煮諸般肉以紙

封鍋內用楮實同煮則易爛其味香美一曰用楮子二粒同煮○煮肥肉

先用芝麻花茄花同物料調稀糊

即真末

塗上火炙乾下鍋煮熟

○陳臘肉煮待滾時將燒紅炭數塊淬之不歛○敗肉用胡桃

三箇每箇鑽十數竅同煮其臭氣皆入胡桃中破之臭惡不可

當○煮硬肉法

硃砂

唐材多食壞人腸胃

桑白皮楷實同下鍋煮立軟○

老牛肉取灶邊尾一尾同煮易爛○夏月熟肉單用醋煮可留

旬日○夏月用磁器盛熟肉於鍋中火貯水燒滾候冷再燒令

熟氣不絕可留一二日不壞○肉要作羹湯或切或搗爛下熱

釜添油用急水炒過然後入醬水物料○凡肉必投滾湯中烹

之切勿先投冷水中後烹之恐敗肉煮魚同此法

牛肉膳○雪下覓方取牛背肉

生

切廣二寸許長六七寸許厚

如手掌許以刀或背或刃輕輕搗軟押串和油鹽醬豉置待其

盡入用火炙之

火若太熾恐焦即以薄灰蓋之

至肉極熟取起急浸於冷水中

更炙如是

者凡三次又塗油往而更炙之極軟味佳一方用真麵合

諸物料調油醬水作薄糊塗而炙之餘法上同又加蒜汁則尤

軟美而人或有不厭臭者○牛肉蒸方肉不拘多少去筋膜洗淨

控乾先以鹽酒多醋少浴過用物料量肉多少下之却將酒醋

拌勻入磁器內密封其口用重湯慢火煮候軟爛方食○又方

肥肉切作塊凡用油醬物料器內灌水一鉢許縱橫架竹木於

器內安肉其上合器蓋以濕巾填塞縫隙用蘆草慢火蒸之用柴

則火極鼎拆

聞沸聲即止火養之候二炊頃又蒸之如是者三次取

出糝炊芝麻屑胡椒食之其味自別○雜散炭方取夾脂肥牛肉及心肝腸肚千葉之屬用串間柳加汴物料炙如雪下覓法○醬散炭方牛肉及臟腑作散炙炙之以油醬晒令極乾另以甘清醬煉如葡萄汁取散炙投其中又以蠻椒川椒之屬並投之經若干日食之好○造尾脯法牛肉去脂膜以利刀爛搗如泥略加鹽以木作塹機長一尺許廣三四寸許厚二寸許另以淨布中鋪於塹機內始下肉泥仍掩其布以足踏堅如造麴法出晒已乾收入篋中生白衣七八二月間可造食時片片切下塗豬脂炙之好○牛肉去筋膜與雞爛搗和以油醬印出於小刻板暫乾而食之極佳或塗油醬炙食亦佳○別造醬脯法

軟牛肉作薄脯以刀微微橫割令不各斷以香油白鹽揉之良久不必展開祇布於柵盤上晒之至八分乾喫之味好○牛膈蒸方肥牛膈隨意裁絕大蘿菔刮粗皮劈中匙中下冷水同入牛膈菹根柴火爛烹水縮過半始下油醬更煮汁幾盡縮取出糝炊芝麻屑○牛膈同油醬物料蒸如蒸牛肉方尤佳○牛膈炭方必多炭骨邊三用浸水法易脫味好○牛心炭方牛心間押牛喉管炭要七分熟炭至乾燥則反無味矣○牛胃方即牛肚取肚去皮納陶缸中醬水味稍淡多灌之真油一鍾子令物料同納缸中以油紙堅封四面限缸腰以炭火圍之見其醬水縮至半則肚已熟矣取出刀切醋醬喫之好且與本汁同食亦佳

○取牛肚厚領去皮切如大栗子就極熟釜中添香油急炒瓦時取出乘熱盛飯又以他飯相合急喫良久另用鹽水加物料煮成并復納肚煮之至六七分熟味美且軟一方用炒芝麻汁亦佳○牛肚治白切下鍋煮時用黃蠟栗子大洗淨尾尾投沸鍋內同煮則極軟快○牛腸蒸方牛腸洗淨表裏各一尺許另取精牛肉以刀刃爛搗如泥和諸物料油醬填納腸中用線縛定兩頭釜中先下水橫交竹木次安牛腸於竹木令不浸水合釜蓋文武火養蒸待極熟取出候冷切如馬蹄樣點醋醬啖之○牛足炙方牛足烹出去毛劈分作兩尾水煮至七分熟取起塗油醬炙之而預頻翻轉○牛尾蒸方肥牛尾連尾根取之五

條脫去皮切四五寸長另用治淨牛足二箇劈作片並尾同下水於釜中以文武火煮之煮至半始下油醬物料再煮至骨自脫而食又大羅蔔刮外皮劈破同煮甚好○肥牛尾始如前以油醬慢火上炙食或烹爛熟點醋啖之甚美

猪肉膳○造臘肉法新猪肉打成段用煮小麥滾湯沸過控乾每斤用鹽一兩擦拌置篋中二三日翻一度至半月後用好醋醃一二宿出篋用元醃汁水洗淨懸於無烟淨處二十日以後半乾半濕以故紙封裹用淋過淨乾灰於大篋中一重灰一重肉裝滿蓋合之涼處經歲如新煮時米泔浸一炊時刷洗用清水下鍋慢火煮候滾即徹薪停息一炊時再發火再滾俟火良久

取食此法之妙全在早醃須臘月前十日醃藏得臘氣為佳稍遲則不佳牛羊肉並同此法○又法肉三斤作一段每斤用淨鹽一兩擦勻入缸醃數日逐日翻二三遍却入酒醋再醃三五日翻三五次取出控乾先沸百沸湯一鍋逐旋將肉入湯蘸急提起趁熱以香酒勻刷掛當烟頭處熏之十日後再用臘糟加酒拌勻塗肉表裏再醃十日取出掛厨中烟頭上若人家烟少用糠烟上熏十日使其烟晝夜不絕羊肉亦當依此法○四時臘肉法將豬肉去膏三脂厚五寸闊段子同鹽料末醃半日却入臘水內每肉一斤用鹽四兩浸二宿其肉色味與臘肉無異煮時先以米泔清者入鹽二兩煮一二沸換水煮○凡猪肉食

之則冷氣先入腎下元虛冷之人不可多食猪肉和牛肉食之
則令人腹中成虫患蛔痛小兒尤不可與食猪肉忌生薑薑白
蝦鹽并豆腐治痰雖有味而三物並動風凡患風人不可以食
○猪項上一鬣有異味未騷猪耳根肉氣燥不佳洗猪頭用乾
麵洗猪腸用砂糖則不腥○山猪燒毛後去皮其肉烹煮皆有
異味○熟猪肉作尾要大要薄取冬月淡菰蘆大莖三寸許以
肉尾捲裹點醋醬啖之極美而助痰不可多食○炙兒猪方
猪生五六朔者用湯去毛取出臍肚以刀刮去皮割下全脚挿
於鐵串照炙炭火上以其所刮脂膏塗抹熟肉上不停手翻轉
以竹尖亂刺肉上塗以油醬待透入爛熟取出利刀薄薄割下

啖之味勝烹肉○猪子_皮及猪足爛烹點醋醬啖之則軟
淡味自別○猪肉作饅頭則與雞肉味同○兒猪蒸法兒猪長
至六七朔者去毛治淨去內臟另用或雄或鷄及豆腐熟蘿蔔
油醬蒜蔥胡椒之類一處爛搗添油炒半熟取出作團填滿猪
腹中以線縫之釜中下水一鉢許以竹交撐釜內安猪於其上
以盆盛水安坐於釜口用黃泥封以蘆草火慢慢煮蒸如蒸大
法盆水溫即易以冷水凡三易水猪已爛熟取出候冷點醋醬
供之○猪皮水晶膾法取猪皮刮去脂洗淨每斤用水一斗葱
椒少許慢火煮皮軟取出細切如縷却入原水內再煮稀稠得
中用綿子濾候凝即成切膾醃澆食

犬肉膳○犬肉忌炙食九月忌食犬肉黃犬肉補人黑白犬次之

絲毛猶其肉無味

凡犬肉與絲同食損人

○冬菰蒸犬法肥犬一隻退淨

剔去骨用鹽酒醋浴過每肉一斤用醇酒一盞醋一盞白鹽半

兩和醬必許細料量下拌勻另用大冬菰一箇切去蓋取出瓢

將肉盛於內仍取蓋合了以竹簍簍定其蓋紙封固不令漏氣

又用稻草紐索冬菰纏定又用鹽泥固濟却用稻草糠火燒半著

却將冬菰埋在火中煨過一宿至次日剖開食之其冬菰亦可

食此法最佳如無冬菰只用尾罐煮之亦佳○又法肥犬一隻

去皮與骨只洗其腸而他臟及肉並皆勿洗洗則生臭割肉作

片以油醬胡椒川椒等物料調拌亦宜蠻椒末先以骨安於湯

底次以肉安於骨上停當另取陶盆其底與鼎口吻合者安坐
於鼎口用麵調水作餅謹塗合縫令勿泄氣乃灌水於陶盆之
內即以蘆草慢火煮之若用柴火則鼎必拆裂矣聞沸聲稍遲徹火盆水溫
易他冷水若是者凡三次則肉已爛熟矣用空石二三立足矣
其味極佳必無犬臭○又方取爛熟之肉以手扯碎加油醬葱
白芝麻炒末蠻椒末胡椒末十分揉拌盛於竹篩內以水必灌
鼎中加篩於其上合蓋蒸之食頃出之候冷食之○蒸犬俗法
肥犬如上法治淨但分肢脚洗臟腑不必宰割另用甘醬見一
大升下篩去滓滓以水一椀油醋各五合如無醋用好酒亦可芝麻炒末
五合蠻椒末一合都合大盆內調和如薄粥投入牛肉及內腸

以手良久打拌令物料透入肉裏然後又用芹蔥各一束先焯
過沸湯去青水又去葉不必切止停當淨洗湯中先將犬兩脇
尾覆安湯底次下肢脚又次下內臟加蔥芹於一邊取水半碗
許周洗物料盆中灌於湯中旋合湯蓋以濕巾四纏叻縫使不
泄氣以蘆草火進退煮之如前法燒三四束則肉已爛骨自脫
出矣即取出候溫劈其肉點原汁而食之則甚美如要作羹湯
取蒸過肉及臟與蔥芹之屬必以手扯碎勿用刀切然後嘗湯
中原汁如淡添醬如鹹添水務令得中旋下肉更以慢火煮四
五沸食之而必與白飯同食方好

用上盆水法蒸之固好而用
經布法亦可或用黃瓦塞縫

法而如不勤手誤此犬肉羹必和真麪而切勿多和宜如干和
入粥土則不可食

之

羊肉膳○羊肉羊肋羊耳羊舌生燒食之羊脉肪煮半熟燒法見上○煮羊肉滾湯下蓋定慢火養熟

鹿肉膳○鹿不屬十二辰食靈草異他獸故道家不忌食之若服藥者不可食藥反無效蓋鹿常食解毒草故也○煮鹿肉法冷水下煮七八分熟可食若煮過熟則反乾燥無味矣○要作羹法如牛肉羹法○炙法煮半熟取出燒之

獐肉膳○煮法炙法皆與鹿同

熊肉膳○熊肉煮熟可啖然動人痼疾不瘳○熊掌用石灰沸湯燂淨布纏煮熟或糟尤佳用酒煮則噴大笑

兔肉膳○煮肉法取肥者去皮煮至七分熟拆開縷切用香油四兩煉熟下肉入鹽少許蔥絲一握炒瓦時却將原汁澄清下鍋滾二三沸入醬些少再滾一二沸調麵絲更加活血兩杓滾一沸看滋味添鹽醋少許○炙法以生肉燒之法見上○蓋兔肉食之弱人陽氣

鷄肉膳○炒鷄法肥鷄治淨用蔥細切鹽半兩香油三兩下熟釜急炒至七分熟另用甘清醬同胡椒川椒末入水一大碗下鍋煮熟為度加好酒些少尤好○七香鷄法陳肥雌鷄去毛治淨從下作穴出其腸肚另用桔梗煮浸去苦味一鉢薑四五瓦蔥一握川椒一握清醬一鍾醋油各半鍾子右七味化雜納於鷄

腹內滓如有餘同盛於磁瓦缸中用油紙封其口又以磁槌蓋之湯水中湯候熟食之鷄味中茅一上品也○葱鷄湯方肥雌鷄去毛治淨用葱七束切去鬚葉只用葱白以水三四槐許下鼎中以葱白與鷄同納湯水中又以好醋好清醬香油各一鍾子香油許灌於湯中用文武火爛煮至於鷄骨可以拔出然後以鷄卵六七箇和於汁中而食之則其味甚佳矣○烹鷄方取茅二水泔水以治淨雌鷄同納陶缸中炭火上慢慢煮熟槐中取出始量意加鹽食之或欲加清醬待水半縮而下醬糝胡椒食○炙鷄方肥鷄治淨分肢加油鹽豎待良久取炙炭火上而必用茅二米泔水且炙且洗凡三次後始塗油醬炙之已熟糝

胡椒啖之凡割鷄而倒懸於空中盡滴去其血且經一夜則味
佳而軟矣凡鷄肉經夜易酸蜈蚣汗他毒虫亦易墜吮必更炙
而啖之切勿徑啖冷炙○炙鷄法肥雌鷄去其毛羽而不用熟
湯只以手拔去淨治從下作穴出去腸肚洗淨納清醬真油必
許於鷄腹中封穴以濕蘆草田田纏縛全鷄凡數三重又懸沉
水而啖又法以黃泥塗埋於柴草火口過一時頃取出蘆燒不妨剝
去蘆吹拂塵以手劈開點鹽啖之以此要炙食必無塗油醬頃
刻炙出若稍久則反不美此兒豬蒸亦用此法必矣○軟鷄蒸法鷄雛出卵
五六十日可以供饌如法治淨從下作穴去腸另用生牛肉或
猪肉搗爛甘醬經篩紫背藕葉蔥椒生薑香油及其鷄心肝並

肉與物料同搗爛作團填滿鷄腹內而封之鼎中下水烹至極

爛

初以物料餘者並投水中烹之

以真末水許和其水又下油醬再煮作汁蒸

已成取鷄劈置標中澆之以汁加完栢子仁別以鷄卵合黃白煎作片刀切而散於其上食之○軟鷄塗油醬炙食之味美勝於蒸矣○軟鷄蒸加竹筴藕根甚佳○煮老雄鷄法以櫻桃枝交撐釜中安鷄其上多灌水烹之易爛○鷄卵湯法取卵破貯量盆中和油醬水用釜水重湯而火要慢以匙不停手攪之○乾卵水卵只令白凝不可熟堅黃子非但味不好食之令人滯○造軟泡羹法此羹宜食冬月牛肉不如豬肉猪肉不如雉雞亦不如肥鵝鷄取鷄治淨又取牛肉一大斤多洗去血並鷄納

鼎中多下水爛烹另造豆腐而必堅凝方好以刀切作片而長
八九分四方廣二三分略灑鹽待少時無鹽法用鼎蓋撐炭火上
多添油煎豆腐令無不煎之面然後先烹牛肉取出不用即下
已煎豆腐於肉汁中亦下油醬令味適宜次下薑蔥真茸葉古
石茸而必皆細切又以器取肉汁必許調細羅真麵而宜必切
不宜多取鷄卵破合調麵之內而要以此多攪之急滾肉汁之
中亦即急攪務令稠遍再煮五六沸要諸物料和合始取食之
而鷄則絲絲摩裂另用鷄卵分黃白油煮作薄片以刀縷切並
鷄肉絲布滿軟泥羹碗面次下川椒胡椒而供之又方所煎豆
腐每三四片縱狎於細竹簦作串飛升中食之

雉肉膳○兒雉七月可食炙蒸之法與軟鷄略同老雉自八月至
明年二月可食餘月不益亦少味○炙法生燒至半熟可啖然
食性有不喜未熟者蓋炙半熟則雖多喫而不飲○凡人啖雉
脚者必以齧其骨節為至味殊不知雉骨新碎者極利鋒芒人
誤齧之則倒伸齒根有成膿齒根之患誤吞之則橫鯁咽喉無
藥可醫奈何以一時滋味自犯危亡之境乎慎之戒之○凡雉
肉以淨白紙漬水濕之包裹肉上務要貼著必無空處炙至半
熟去紙即塗油醬胡椒而更炙則骨不落味好炙雉不用泥水法○雉
蒸雉熟法與治鷄同而以冷水爛烹並汁取出加鹽食之則味
甚清淡○凍雉法取雉去腸肚又去皮寒月置外極凍以利刀

尾尾削下點凍清醬或醋醬加葱薑食之味爽又宜下酒○
乾雉雞脯皆去皮用油醬胡椒脯則加炒芝麻而不作屑

鵝鴨膳○鵝鴨燒法此則家養者鵝兒則百日以外鴨兒則六七
十日佳過此則肉硬不可食○古語曰鴨腳一十入腹令人死

○鵝鴨一隻治淨凍香油四兩燻變黃色用酒醋水三件中停
浸沒入細物料半兩葱三莖醬一匙慢火養熟○凡鵝用櫻桃
葉數片同煮則易爛○軟鴨蒸法同軟鷄蒸法而但物料去藕
葉必乘溫食之冷則不好○野鴨野鴨治法上同要炙必煮熟
燒之

鵝鷄膳○甚益人不作羹但燒而啖之加油醬待入即生燒塗油

醬不用沉水法

麻雀膳膳○不作羹忌五醬自十月至明年正月大益男子陽道
孕婦忌食○要炙去毛摘去腸膽以刀背略打平加油鹽待入
柙串燒之塗以水油○煎法治上同加油醬待入用鼎蓋多添
油煎之一云炙煎之法必先剝去雀皮無妨要煎可拌菜豆

鴈肉膳○要烹須慢火養熟要炙須煮熟燒之鴈宜

醃鴨酢法○雌鴨雖無雄多喂豆麥肥壯則生酢自冬至後清明
前皆可醃每酢一百箇用鹽十兩灰三斤拌勻以酢蘆米飯於
鹽炭內滾成團收乾篋內可留至夏







